

أسئلة وأجوبة على إعادة التسجيل في المعهد الثقافي الإيطالي بالرباط

سؤال: واش غادين نقراو في المعهد كيف العام اللي فات؟

دروس اللغة الإيطالية في المعهد غادين إكونو عن بعد في انترنيت. راكم عارفين الوباء ديال كورونا خاص الواحد ارد بالو والتجمع ممكن اساهما في تفشي هذا الفيروس. إذن، وإلى اشعار آخر، الدروس غادين اكونو في ZOOM.

سؤال: او الامتحانات غادين اكونو حتا هما في انترنيت؟

من غير الامتحان ديال B2 كلشي الامتحانات غادين اكونو عن بعد. غادي تعرف التفاصيل من الأستاذ ديالك.

سؤال: كيفاش إذن غادي نديروا التسجيل؟

بما أن الدراسة غادي تكون عن بعد للحفاظ على سلامة الطلبة، فراه حتى التسجيل غادي إكون عن بعد.

إذا كنت قرتي العام اللي فات في المعهد في المستوى **A1-ii** أولا **A2-i** خصك تخلص في البنك. غادي تمشي لأي وكالة بنكية ديال مصرف المغرب ودي معاك الرقم ديال الحساب ديال المعهد الإيطالي اللي هو

(Banque : CREDIT DU MAROC, RIB :021 810 0000 035 005 40110 7 40)

- إذا كنت قرتي في **A2-i** غادي تخلص غير 2000 درهم وتاخذ توصيل على هذه العملية.
- إذا كنت قرتي في **A1-ii** غادي تخلص 2200 ولكن خاصك تقسم هذ المبلغ لجوج دفعات الأولى ديال 2000 درهم و تاخذ توصيل (مكتوب فيه بلي دفعتي 2000درهم) و الثانية 200 درهم تأخذ توصيل ثاني (مكتوب فيه بلي دفعتي 200 درهم).

سؤال: أشنو ندير بالتوصيل؟

باش تقاد مزيان التسجيل ديالك خاصك تنسخ scan التوصيل أولا التواصل بجوج وتنسخ البطاقة الوطنية ديالك وصيفطها للايميل ديال المعهد biblioteca.iicrabat@esteri.it

سؤال: وقتاش غادي تبدا القرانيا عن بعد؟

القرانيا غادي تبدا نهار الاثنين 5 أكتوبر. وخاصكم تصلو بالاساتذة دياكم اللي غادين اقولو لكم التوقيت ديال الدروس.

بالنسبة لمستوى **A2-i** و **A2-ii** الدروس غادي تكون فيها 9 ساعات في الأسبوع من 5 حتى 29 أكتوبر.

سؤال: واش غادين نقراو ديما 9 ساعات في الاسبوع؟

بالنسبة لمستوى **A2-ii** غادي إكون عندهم 9 ساعات في الأسبوع غير شهر أكتوبر. ومن بعد غادين إرجعو اقرأو بالتوقيت العادي ديال العام اللي فات 4 ساعات ونصف في الأسبوع.

بالنسبة لمستوى **A2-1** غادين إقرأو 9 ساعات في الأسبوع في شهر اكتوبر و شهر نونبر و شهر دجنبر ومن بعد غادين اولي اقرأو 4 ساعات ونصف في الأسبوع.